

SCRIPT OF EVENING GOJRI NEWS BULLETIN 24SEP 1700 HRS

ایونینگ گو جری نیوز بلیٹن مورخہ 24 ستمبر 2025

یوہ آکا شوانی جموں ہے غلام سرور تے نصرت چوہدری تیں خبر سُنو۔

HEADLINES

- ۱۔ بھارتی چناؤ کمیشن نے جموں کشمیر مانہہ راجیہ سبھا کی چار خالی نشستیں گاہ انتخابات گو اعلان کیو تے اس سلسلہ مانہہ ووٹنگ 24 اکتوبر نانہہ وے گی۔
- ۲۔ وزیر اعلیٰ عمر عبداللہ نے جموں کشمیر مانہہ حد بندی تے انتخابات تیں بعد آخری قدم غا طور ور ریاستی حیثیت دین ور زور دتو۔
- ۳۔ وزیر اعلیٰ نے اج جموں کشمیر مانہہ قدرتی آفت تیں نمژن آلا ماہرین غے نال اہم گل بات کی۔
- ۴۔ سماجی بہبود کی وزیر سکینہ اتو نے جموں کشمیر مانہہ عوامی خدمات نانہہ مضبوط بنان تے ترقی نانہہ فروغ دین بارے حکومت غا عزم غو اعادہ کیو۔
- ۵۔ ایشیا کپ کرکٹ ٹورنامنٹ مانہہ اج بھارت غو مقابلو دہنی انٹرنیشنل کرکٹ سٹیڈیم مانہہ بنگلادیش سنگ وے غو۔

ECI RS POLLS

بھارتی چناؤ کمیشن نے اج جموں کشمیر مانہہ راجیہ سبھا کی چار خالی نشستیں ور دو سالہ انتخابات غو اعلان کیو ہے واضع رہے جے یہ تمام نشستیں فرور غا شیڈول 2021 تیں خالی ہیں تے ہُن جموں کشمیر قانون ساز اسمبلی کی عدم موجودگی مانہہ پُر کی جے گی بھارتی چناؤ کمیشن کی جانب تیں جاری کردہ شیڈول غے مطابق انتخابات گو نوٹفیکیشن 6 اکتوبر 2025 نانہہ جاری کی و جے گو اس سلسلہ مانہہ کاغذات نامزدگی داخل کرن غی آخری تاریخ 13 اکتوبر ہے جدکہ کاغذات غی جانچ پڑتال 14 اکتوبر نانہہ وے گہ امیدواران نانہہ کاغذات واپس لین کی آخری تاریخ 16 اکتوبر ہے تاہم اس طرح 24 اکتوبر نانہہ نکیلو 9 بجے تیں 4 بجے توڑی ووٹ کلیا جیں گا ووٹاں کی گنتری اسے دن شروع ہو جے گی جس غو عمل 28 اکتوبر توڑی ختم ہو جے گو۔

CM STATEHOOD

وزیر اعلیٰ عمر عبداللہ نے مرکز غا زیر انتظام علاقہ نانہہ ریاست گو درضو دے گے فوری بحالی ور زور دتو ہے تے اس نانہہ خطہ کی سب تیں بڑی لالکار قرار دتو ہے صحافیان سنگ خطاب کرتا واں وزیر اعلیٰ نے کہی و کہ لوکاں نے جمہوری عمل مانہہ بڑھ چڑھ غے حصو لیو تے ہُن اُن تیں کیا گیا وعدہ نانہہ پورو ہون کی پوری اُمید رکھے اس سلسلہ مانہہ وزیر اعلیٰ نے مرکز غا بیان کردہ 3 قدمی روڈ میپ نانہہ یاد کیو جس مانہہ مرکز کی طرفوں کیو گیتو تھو کہ پہلے حد بندی وے گی فر انتخابات تے پھر ریاست گو درجو بحال کی و جے غو تاہم اس طرح دو مراحل مکمل ہو چکا ہیں وزیر اعلیٰ نے کہیو جموں کشمیر غا لوک حتمی قدم تے مکمل ریاست کی واپسی غی اڑیک مانہہ ہیں ذرائع ابلاغ غا نمائندان سنگ گل بات کرتا واں اُنہاں نے اس طرح کہیو۔

CM DISASTER PREP

وزیر اعلیٰ نے اج قدرتی آفت تیں نمژن آلا ماہرین غے سنگ اہم بات چیت کی تانجے زلزلہ غا خلاف خطہ غی تیاریاں نانہ بدھایو جاسکے پروفیسر ہریش کے گپتا سابق سیکرٹری بھارتی حکومت وزارت علم ارضیات اسلامک یونیورسٹی آف سائنس غا پروفیسر شکیل احمد رومشو غے سنگ وزیر اعلیٰ نے ملاقات کی اس گل بات مانہ حفاظتی اقدامات نانہ مضبوط بنان تے جموں کشمیر مانہ آفات تیں نمژن کی تیاریاں ور توج مرکوز کی گئی جس مانہ زلزلہ تیں بچن آلا بنیادی ڈھانچہ ور زور دتو گئو اس تیں علاوہ جان و مال کی حفاظت نانہ یقینی بنان آلا خطہ کی بہتر تشخیص تے صلاحیت سازاں گا اقدامات ور وی زور دتو گئو۔

SEVA PARV WAVES

ملک بھر مانہ مایا جاری سیوا پروپہل غے تحت اج ہم عالمی اڈیو ویزول غے ذریعے بھارت نانہ میڈیا تے تقریح گا عالمی مرکز بنان بارے مودی حکومت کی طرفوں چایا گیا اقدام نانہ آجاگر کراں 1 تیں 4 مئی توڑی ممبئی مانہ منعقدہ ویو نے تخلیق کاراں اسٹارٹ اپس تے عالمی صنعت گا رہنماواں نانہ اکٹھو کیو تقریب کی افتتاح کرتا واں وزیر اعظم نریندر مودی نے کل ملکی پیداوار یعنی جی ڈی پی نانہ فروغ دین بارے بھارت کی تخلیقی معشیت کی صلاحیت ور زور دتو جس مانہ ترقی غا انجن کے طور ور مواد تخلیقی صلاحیتاں تے ثقافت ور حکومت کی توجو نانہ ظاہر کیو اُن غو کہنو تھو۔

AMNESTY SCHEME

جموں کشمیر حکومت نے گھریلو بجلی صارفین واسطے ایمنسٹی سکیم نانہ 31 مارچ 2026 توڑی بدھا دتو ہے اس سکیم غے تحت 31 مارچ 2025 توڑی غا بقایا بجلی بلاں ور سود تے جرمانو 100 فی صد معاف کی وجے غو اس قدم غو مقصد گھراں ور مالی پوجھ نانہ کہٹ کرنو تے بجلی ترقیاتی محکمہ غی وصولی نانہ بہتر بنانو ہے اہل صارفین نانہ مشورو دتو گئو ہے کہ اپنا اصل بل نانہ مقررہ مدت مانہ جمع کریں مزید معلومات واسطے قریبی جے پی ڈی سی ایل تے پی ڈک ڈک دفتر تیں رابطو کریں۔

ITOO HEALTHCARE

سماجی بہبود کی وزیر سکینہ اتو نے اج عوامی خدمات نانہ مضبوط بنان تے ترقی کی راہ نانہ ہموار کرگے لوکاں غا ڈیراں توڑی پُجان غ و حکومت غا عزم غو اعدادو کیو گلگام گا اروانی گراں مانہ صحت کی عمارت کی افتتاح کرتا واں اُنہاں نے کہیو کہ نویں سہولت تیں مریضاں کی ریکھ بھال مانہ اضافو وے غو وزیر موصوفہ نے پورا خطہ مانہ نواں اسپتالاں ایم آر آئی خدمات تے کیتھ لیبرز تیں صحت کی دیکھ بھال نانہ بہتر بنان کی حکومت کی جاری کوششاں ور وی لوکھلی اس سلسلہ مانہ وزیر موصوفہ نے کشمیر کی معشیت مانہ باغبانی غا اہم کردار ور وی زور دتو تے لوکاں بارے دیرپا فوائد نانہ یقینی بنان بارے ترقیاتی کماں مانہ معیار تے شفافیت ور زور دتو اس موقع ور ذرائع ابلاغ گا نمائنداں سنگ گل بات کرتا واں اُنہاں نے اس طرح کہیو۔

GST FOOD

جدید دور غا جی ای ٹی اصلاحات غے تحت حکومت نے روز مرہ غا ضروری کھان
پین غی اشیاء ور ٹیکس کھٹ کردتو بے تانجے گھریلو اخراجات گو بوجھ کھٹ
ہوسکے تیار تے محفوظ سبزیاں ور جی ایس ٹی 12 فی صد تیں کھٹ کرغے 5 فی صد
کردتی گئی بے اسے طرح تیار شدہ پھل ور وی بُن صرف 5 فی صد جی ایس ٹی لگے
غو اس فیصلہ غو مقصد خوارک تیار کرن غی صنعت نانہ بدھانو برآمدات نانہ فروغ
دینو تے صحت مند خوارک نانہ مزید سستو کرنو بے لوکاں نے اس قدم نانہ سہراتا
واں کہیو کہ یوہ گھریلو اخراجات نانہ کھٹ کرے غو۔ خواتین بچاں تے بزرگاں واسطے
بہتر غزائیت مانہ مددگار وے غو۔

EXHIBITION CRIMINAL LAWS

جموں مانہ کرائم برانچ گا اکنامک آفنس ونگ نے گلشن گراونڈ مانہ نوا فوجداری
قوانین گا بارا مانہ ترے روزہ بڑی نمائش غو انعقاد کیو جہڑو اج کامیابی سنگ ختم
ہوویو پروگرام وزارت داخلہ غی ہدایت ور رکھیو کیو تھو تانجے عوام نانہ نوا
قوانین تیں آگاہ کیو جاسکے اختتامی تقریب مانہ محکمہ داخلہ جموں کشمیر غا
سپیشل سیکرٹری رنجیت سنگھ نے شرکت کی انہاں نے کہیو کہ اس نمائش غو
مقصد لوکاں نانہ نوا قانون اُن کا حق تے زمے داریاں بارے دسنو بے تانجے ہر
شہری نانہ پوری سمجھو وے اس موقع ور گل کرتا واں انہاں نے مزید اس طرح کہیو۔

ASIA CUP

مرداں گا ایشیا کپ کرخت ٹورنامینٹ غا گروپ 4 مانہ اج بھارت گو مقابلو دہنی انٹر
نیشنل کرکٹ سیٹیڈیم مانہ بنگلادیش سنگ وے غو یوہ مقابلو بھارتی وقت غے مطابق
شام 8 بجے شروع وے غو۔ اج جتن آلی ٹیم ایشیا کپ 2025 غا فائنل مانہ اپنی جگہ
پکی کرے غی۔ دواں ٹیماں نے گروپ 4 مانہ اپنا پہلا پہلا مقابلہ جت لیا ہیں۔ جس مانہ
بھارت نے پاکستان نانہ ہرایو تے بانگلہ دیش نے شرنکا نانہ ہرایو بے۔
